

Broj: 01-04-6-04632-4/2020
Sarajevo, 04.11.2020. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-04-6-04632-3/2020 od 04.11.2020. godine, Direktor Federalne uprave za inspeksijske poslove, u ime Federalne uprave za inspeksijske poslove kao ugovornog organa donosi

O D L U K U

o izboru najpovoljnijeg ponuđača i dodjeli ugovora za nabavku roba – gume za službena vozila

Član 1.

Prihvata se preporuka Komisije za javnu nabavku broj 01-04-6-04632-3/2020 od 04.11.2020. godine, te se ugovor o javnoj nabavci roba gume za motorna vozila Federalne uprave za inspeksijske poslove po provedenom postupku konkurentskog zahtjeva za dostavljanje ponuda uz primjenu e-aukcije dodjeljuje ponuđaču „Unitrade“ d.o.o. Ljubuški koji je ponudio najnižu cijenu tehnički zadovoljavajuće ponude.

Član 2.

Ugovor sa ponuđačem iz člana 1. ove odluke će se zaključiti pod slijedećim uslovima:

- **ukupna ponuđena cijena nakon provedenog postupka e-aukcije bez PDV-a:** 9.902,66 KM,
- **ukupna cijena sa PDV-om:** 11.586,11 KM,
- **uvjeti plaćanja:** 30 dana od dana ispostavljanja fakture, u skladu sa budžetskim načinom plaćanja,
- **u cijenu su uračunati** demontaža postojećih, te montaža i balansiranje novih autoguma,
- **rok isporuke** je 2 dana od dana svake pojedinačne narudžbe,
- **period trajanja ugovora:** ugovor će se zaključiti na period od 1 (jedne) godine dana od dana zaključenja ugovora od ugovornih strana.

Član 3.

(1) Ponuđač “Unitrade” d.o.o. Ljubuški je dužan u roku od 5 (pet) dana od dana prijema ove odluke dostaviti uvjerenja nadležnih organa kojim dokazuje slijedeće činjenice:

- **uvjerenje nadležnog suda da nije pravomoćnom sudskom presudom u krivičnom postupku osuđen za krivična djela organiziranog kriminala, korupcije, prijevare ili pranja novca u skladu sa važećim propisima u Bosni i Hercegovini**
- **uvjerenje nadležnog suda da nije pod stečajem, odnosno da nije predmet stečajnog postupka ili predmet likvidacijskog postupka**
- **uvjerenje nadležne poreske uprave na osnovu koje se može utvrditi da uredno izmiruje obaveze za penziono i invalidsko osiguranje i zdravstveno osiguranje**
- **uvjerenja nadležnih organa da uredno izmiruje obaveze po osnovu direktnih i indirektnih poreza.**

(2) Dokazi iz stava (1) ovog člana se dostavljaju kao original ili ovjerena kopija i moraju sadržavati potvrdu da je ponuđač u momentu predaje ponude ispunjavao uslove na koje se odnose isti, te će u slučaju da u ostavljenom roku ne dostavi tražene dokaze ili iste ne dostavi na način i u formi kako je to

traženo ovim članom biti isključen iz daljeg učešća u postupku zbog neispunjavanja uslova za kvalifikaciju.

Član 4.

Po okončanju žalbenog roka ugovorni organ će sa ponuđačem iz člana 1. ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

Član 5.

Ova odluka će se objaviti na web stranici Federalne uprave za inspekcijske poslove.

O b r a z l o Ź e n j e

Odlukom direktora uprave broj 01-04-6-04632/2020 od 06.10.2020. godine pokrenut je postupak konkurentskog zahtjeva za dostavljanje ponuda uz primjenu e-aukcije za nabavku roba – gume za službena vozila Federalne uprave za inspekcijske poslove. Obavještenje o javnoj nabavci broj 1292-7-1-17-3-11/2020 je objavljeno na Portalu javnih nabavki dana 08.10.2020. godine, gdje je tenderska dokumentacija učinjena dostupnom potencijalnim ponuđačima.

Dana 29.10.2020. godine Komisija za javne nabavke je izvršila otvaranje blagovremeno pristiglih ponuda, o čemu je sačinjen zapisnik o otvaranju ponuda koji je putem pošte odmah upućen ponuđačima. Na javnom otvaranju ponuda je konstatovano da su svoje ponude blagovremeno dostavili ponuđači "Unitrade" d.o.o. Ljubuški, „Guma M“ d.o.o. Mostar, „Hifa Petrol“ d.o.o. Sarajevo-Vogošća i „Total Trade“ d.o.o. Doboj. Komisija je utvrdila da nije bilo neblagovremeno pristiglih ponuda.

U Zapisniku sa otvaranja ponuda je utvrđeno da su navedeni ponuđači ponudili tražene robe po cijenama, kako slijedi:

Naziv/ime ponuđača	Ukupna cijena ponude bez PDV-a	Ponuđeni popust
„Unitrade“ d.o.o. Ljubuški	9.902,66 KM	Ne
„Guma M“ d.o.o. Mostar	10.911,44 KM	Ne
„Hifa Petrol“ d.o.o. Sarajevo-Vogošća	10.133,60 KM	Ne
„Total Trade“ d.o.o. Doboj	12.009,16 KM	Ne

Nakon javnog otvaranja ponuda Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera garancija, obrazaca i drugih dokumenata.

U tom smislu komisija je konstatovala da ponuđač „Hifa Petrol“ d.o.o. Sarajevo-Vogošća nije u cjelosti ispunio uslove tražene u tački 2.2. Tehničke i količinske specifikacije pod a) tenderske dokumentacije, gdje su ponuđači bili obavezni ponuditi autogume koje ispunjavaju EU norme prema traženoj klasifikaciji Ugovornog organa.

Imajući u vidu naprijed navedeno, komisija je jednoglasno zaključila da je ponudu navedenog ponuđača potrebno odbaciti kao nepotpunu shodno odredbi člana 68.(1) i stav (4) tačka i) Zakona o javnim nabavkama BiH.

U preostalim dostavljenim ponudama ponuđača „Unitrade“ d.o.o. Ljubuški, „Guma M“ d.o.o. Mostar i „Total Trade“ d.o.o. Doboj nisu utvrđene bilo kakve nepravilnosti i nedostaci u pristiglim ponudama, a koji bi eventualno predstavljali razloge za odbacivanje bilo koje od ponuda.

Istom prilikom je izvršena i provjera računске ispravnosti dostavljenih ponuda, te tom prilikom nisu utvrđene računске greške u ponudama. Postupak „e-aukcije“ je zakazan za dan 02.11.2020. godine, sa početkom u 13,00 sati.

Komisija je na zatvorenom sastanku održanom dana 04.11.2020. godine izvršila uvid u Izvještaj o toku i završetku e-aukcije, kojom prilikom je konstatovala da je postupak e-aukcije uspješno okončan, da je ista počela u zakazano vrijeme i trajala do 13,10 sati.

U istom izvještaju je utvrđena i konačna rang lista ponuđača koji su u postupku, što je prikazano u slijedećoj tabeli:

Naziv ponuđača	Konačna cijena u KM bez PDV-a	Rang
„Unitrade“ d.o.o.	9.902,66 KM	1
„Guma M“ d.o.o.	10.911,44 KM	2
„Total Trade“ d.o.o.	12.009,16 KM	3

Iz naprijed navedenog je vidljivo da je najpovoljniju ponudu u skladu sa kriterijem najniža cijena tehnički zadovoljavajuće ponude, dostavio ponuđač „Unitrade“ d.o.o. Ljubuški sa ponuđenom cijenom u iznosu od 9.902,66 KM, bez uračunatog PDV-a, odnosno 11.586,11 KM sa PDV-om.

Komisija je slijedom prednjeg sačinila preporuku broj 01-04-6-04632-3/2020 od 04.11.2020. godine, koju je dostavila direktoru uprave na razmatranje, a u kojoj se predlaže da se ugovor u skladu sa kriterijem najniža cijena tehnički zadovoljavajuće ponude dodijeli ponuđaču „Unitrade“ d.o.o. Ljubuški.

Prilikom razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



05-11-2020

Dostaviti:

07 06.11.2020

1. „Unitrade“ d.o.o. Ljubuški, Hrvatskih kraljeva 23, 88320 Ljubuški

05-11-2020

05-11-2020 2. „Guma M“ d.o.o. Mostar, Bišće polje bb, 88100 Mostar

3. „Hifa Petrol“ d.o.o., Hotonj bb 71320 Vogošća,

05-11-2020

05-11-2020 4. „Total Trade“ d.o.o., Krnjinske srpske brigade 102, 74000 Doboj

05-11-2020

Sektor za materijalno-finansijske poslove

05-11-2020 6. Sektor za tehničku podršku i plansko-analitičke poslove

05-11-2020

05-11-2020 Komisija za javne nabavke (a/a).

05-11-2020

1000 maly